

De heer M. Oostra
Keiweg 53
8471 CW Wolvege

Daotum: 18 meert 2007.
Onderwapr: 'Stoffig Stellingwarfs'.

Geachte heer Oostra, beste Martin,
Onderstaond de letterlike tekst die 'k naor de stellingwarver kraanten toestuurd hebbe, as reaktie op jow inzunnen stok van de oflopen weke.

Et gaot mi'j in disse brief naor jow toe veural om de laeste peer riegels van mien reaktie waarin ik je vraog om tegere mit mi'j een diskussie-aovend te organiseren. Dit liekt mi'j warkelik een goed plan toe. Zuwwwe dat saemen es veurenneer zien te boksen...?

Mit een vrundelike groet,
Piet Bult

Grindweg 18
8422 DN Ni'jberkoop
Till.: (0516) 45 10 38

Stoffig Stellingwarfs...

In een inzunnen stok in de stellingwarfse kraanten van veurige weke vun Martin Oostra dat de pottefulie van keunst en kultuur niet bi'j borgemeister Van Klaveren thuisheurt omreden disse borgemeister nogal een uutspreuken miening het as et om stellingwarfse kultuur gaot. Mien eerste gedaachte was: alweer zoe'n stellingwarver die vint daj' in et eupenbaor gien kritiek hebben meugen. Die kritiek van Van Klaveren mit o.e. et gebruik van de woorden 'stoffig Stellingwerfs' is neffens Oostra alderdeegst een anval richting oonze Stellingwarfse tael.

Zol zoks ok niet es aandere utpakken kunnen? Laot mi'j now krek bliede wezen mit een man as Van Klaveren deur et an de odder stellen van dit onderwarp want et wodt nao roem dattig jaor Schrieversronte toch wel es tied en hange de oolde strozakken mit et onderhaand slim stinkende tiek uut de stellingwarfse bedsteden es flink an de liende te werigen. Een weke of wat leden ha'k nog een inzunnen stok in de LC mit de bosschop dat Pieter Jonker mi'j wat te vule blosterde over zien wark veur et Stellingwarfs. Neffens mi'j het de Schrieversronte oonze tael now krek stoffig wodden laoten deur et as heurend toe te rekenen en et in een kluus vot te stoppen. Een frisse wiend en wat ni'je idenen wodden niet gauw toelaoten in de elpenbienen toren in Berkoop. Veur de jaorlikse subsidiestromen wodden d'r een peer boeken uitgeven en veerder nog wat stoffige zaeken ofhaandeld waar pattie meensken gien weet van hebben. En zok wark waar zovule centen in ommegeaon daor zol de pottefuliehoolder van de gemiente in et eupenbaor niks van zeggen meugen? Daor is die beste man now krek veur anneumen, liekt mi'j!

Ik neudig Oostra graeg uut om tegere mit mi'j es een eupenbaore diskussie-aovend te organiseren om de veurs en tegens van nog vule meer meensken angaonde oons stoffig Stellingwarfs es te heuren. Vrao'we borgemeister Van Klaveren veur een niet-stoffige inleiding.

Piet Bult, Ni'jeberkoop